

Däi Sunner gäid auf

Iech siech dich vuer mir schdäi
Allmähd wäi bisd du schäi
Du glänsd su schäi wäi Gold
Ja diech hobbi hald immer gwollt
Und eds bisd endli bei mier
Und iech gnäi nieder vur dir
Iech siech dich vur mir schdäi
Und deng du bisd su schäi

Du zäigsd mi in dein Bann
Dass iech ned anders kann
Dei Anbligg machd mi schwach
Eds gibds blouß aans des wossi mach
Iech nimm di zärdlich in Arm
mir werds ums Herz glei su warm
und Eds bisd dou bei mir
iech gnäi mi hie vur dir

Iech mouch a Grüner und nu aans hinderher
Kaum schdäids vuer mir, is aa scho widder leer
Aahhhh – Is des schäi und di Sunner gäid auf

Asua Grüner, des is wunderbor
Des schmeggd im Sommer und a im Resd vom Joor
eds schdäids dou goldgelb
Und iech umarm die Weld

Kumm hogg di aa mid her, is Lebm is gorned schwer
Wennd su a Seidla hosd, des hilfd bei Drübsal und beim Dorschd
Schäins Madla bring uns nu zwaa, eds bin i nemmer allaa
Willsd ned zum Zapfhahn gehen erhöre unser Flehn!

Iech mouch a Grüner und nu aans hinderher
Kaum schdäids vuer mir, is aa scho widder leer
Aahhhh – Is des schäi, des kennd immer su sa (sein)
Asua Grüner, des is wunderbor
Des schmeggd im Sommer und a im Resd vom Joor
Wos willsd nu mehr fürs Geld
Iech hob an Draum beschdelld

Seids ihr sicher, ihr brauchd numol aan oder wolld ihr ned ham
A Hells bring a Hells
Ward auf eich dahamm kanns, kummds eds gäids
Und reißds eich hald zamm
A Hells bring a Hells

Iech mouch a Grüner und nu aans hinderher

Kaum schdäids vuur mir, is aa scho widder leer
Aahhhh – Is des schäi und di Sunner gäid auf

Asua Grüner, des is wunderbor
Des schmeggd im Sommer und a im Resd vom Joor
eds schdäids dou goldgelb
Und iech umarm die Weld

Kumm her mei Madla und zäbf numol zwaa,
iech wass doch genau, du bisd schnell aff die Baa
is Lebm iss u schäi und di Sunner gäid auf
obber hald, ward amol, iech reiße mi eds zamm
eds bagg i mei Zeich und gäi aa glei hamm
iech hobb nu a Gwissn, des sachd mer, schdäi endli auf
schdadd Blumer dou nehmi zwaa Grüner als Gscheng
für mei Fraa, dass sichd, dass i blouße an sie deng
dann dring mers zu zweid in völliger Bierharmonie